

***“BASES PARA A SELECCIÓN DO ALUMNADO PARA A ESCOLA DE
HOSTELERÍA DO ANO 2017”***

1.- Obxeto

A finalidade destas bases é seleccionar ó alumnado que participará na acción formativa de Cociña que se levará a cabo durante o ano 2017 na Escola de Hostelería do Concello de Carballo. Esta formación ten unha duración total de 1.135 h, das cales 320h. son prácticas en empresas e 815h. serán teórico- prácticas e se realizarán nas instalacións do forum Carballo.

2.- Finalidade

Formar profesionalmente a 15 alumnos/as no ano 2017 no sector da hostelería, máis concretamente en cociña e servizos de restaurante, baixo uns parámetros de calidade que se axusten ás necesidades reais do mercado de traballo favorecendo a inserción dos desempregados a un posto de traballo e/ou mellorando a cualificación das persoas traballadores en activo.

A acción formativa terá unha duración total de 1.135h. Iniciará o 8 de marzo e finalizará o 13 de decembro de 2017 cun horario de luns a venres de 8.30 a 14.00h. Desenvolverase no forum Carballo excepto 320h. de prácticas en empresas que se realizarán nos meses de xullo e agosto deste ano.

3.- Requisitos dos aspirantes

Os criterios para participar no proceso de selección para participar como alumno/a desta acción formativa son:

- Posuír unha titulación mínima de Graduado en Educación Secundaria Obrigatoria ou equivalente a nivel profesional; ou ter 3 anos de vinculación laboral demostrable no sector da hostelería (deberá aportar esa documentación ao longo do proceso de selección e que se especificará reseguído).

- Ter un mínimo de 18 anos cumpridos no momento de presentar a súa solicitude

4.- Inscripcións

O prazo de presentación de solicitudes será do **1 de febreiro até o 10 de febreiro de 2017 en horario de 9.00h a 13.00h de luns a venres.**

As solicitudes estarás á disposición dos/as candidatos/as no 2º andar do Edificio Forum. Entregaranse neste departamento unha vez cuberta e FIRMADA polo/a candidato/a. Coa solicitude non se entregará ningunha documentación complementaria.

5.- Proceso de selección. Exercicios

Este proceso de selección constará de 3 exercicios eliminatorios cada un deles, de modo que, non poderán pasar ao seguinte exercicio os/as aspirantes que non acaden unha calificación mínima establecida para cada un deles e que se especifica a continuación.

Os 3 exercicios son sumatorios (sempre e cando alcancen a puntuación mínima esixida para cada un deles: 5) e a súa porcentaxe sobre a nota final sería 20%, 30% e 50% respectivamente.

A listaxe de aspirantes que superan cada proba e polo tanto continúan no proceso, farase pública no taboleiro sito no segundo andar do edificio forum Carballo. A relación de candidatos/as e o seu baremo publicitarase nun prazo non superior a tres días dende a data de realización da proba. Con cada baremación tamén se publicitará a data do seguinte exercicio.

Por complexidade, infraestrutura e practicidade só accederán á proba final práctica os 30 aspirantes con maior puntuación obtida nos dous primeiros exames.

En caso de empate, e para dirimir este, atenderase en primeiro lugar á proba que ten maior valor na puntuación total e que corresponde á proba práctica (50%), e en segundo lugar, de persistir o empate, á puntuación obtida no segundo exercicio de maior relevancia pola súa puntuación e que corresponde á entrevista (2º exercicio cun 30%).

Se aínda subsiste o empate, resolverase coa valoración obtida na proba teórica (20% sobre a nota final).

Se sigue existindo o empate resolverase por orde alfabética comenzando polos/as aspirantes cuxo primeiro apelido comece pola letra “O”, atendendo á orde do 3 de febreiro de 2016 pola que se fai público o resultado do sorteo a que se refire o Regulamento de selección de persoal da Administración da Comunidade Autónoma de Galicia (Dog núm.29 do 12 de febreiro de 2016).

En todo caso, o tribunal seleccionador velará, sempre que sexa posible e se cumpra cos criterios establecidos neste proceso de selección, polo equilibrio de xénero no acceso.

Na listaxe final publicitarase os/as 15 aspirantes que formarán parte da escola de hostelería e os/as suplentes que accederán ás vacantes que poidan xurdir. A orde de colocación dos/as aspirantes na lista definitiva de aprobados/as establecerase de maior a menor puntuación.

5.1.- Primer exercicio: Proba escrita de contidos teóricos

A proba terá como obxeto avaliar, obxetivamente, os coñecementos, aptitudes e habilidades dos/as aspirantes neste ámbito profesional.

Consistirá en contestar nun tempo máximo de 60 minutos un cuestionario tipo test de 40 preguntas con catro respostas alternativas das que só 1 será a correcta vinculadas á temática do curso. O exercicio será calificado de 0 a 10, e será preciso acadar un mínimo de 5 ptos para superalo. Os/as aspirantes que non alcancen esta puntuación mínima serán eliminados do proceso. Cada pregunta correcta terá un valor de 0.25.

5.2.- Segundo exercicio.- Entrevista curricular e por competencias

Nesta fase, o tribunal valorará ós/ás aspirantes en relación á súa actitude, motivación, e interese pola acción formativa, a súa traxectoria laboral no sector da hostelería e a súa

idoneidade para o posto de traballo. Terase en conta nesta fase a súa dispoñibilidade horaria e xeográfica así como a súa actitude de cara o mercado de traballo.

Os/as aspirantes deben aportar toda a documentación curricular que posúan para que o tribunal poida avaliala (cv, vida laboral, contratos de traballo, cursos,...). Os/as aspirantes que non presenten a documentación non se lle terá en conta no proceso e polo tanto non poderá ser valorada.

A entrevista será valorada cun máximo de 10 puntos. Para poder superar esta fase é necesario obter unha puntuación mínima de 5.

5.3.- Terceiro exercicio.- Proba práctica

O tribunal seleccionador decidirá entre unha das seguintes probas:

Opción 1.- Realizarase unha proba práctica (“bootcamp”) nas instalacións da escola de hostelería no forum Carballo. Consistirá nunha proba de cociñado na que, nun tempo máximo de 90 minutos, os/as aspirantes deberán elaborar un prato partindo dun ingrediente común entre todos eles a elixir polo tribunal seleccionador.

Opción 2.- Empratar, nas instalacións do forum Carballo, unha elaboración cociñada nos seus fogares nun tempo máximo de 20 minutos.

O tribunal valorará os pratos atendendo ó seu sabor, presentación, creatividade e limpeza en cada presentación.

A proba valorarase sobre 10 e será necesario obter un mínimo de 5 puntos para poder acceder a unha das 15 prazas ofertadas.